

أول حروف العشق

شعر

إسماعيل مسعود

أول حرف العشق
الطبعة الأولى : ٢٠٠٢
صادر عن :
فرع ثقافة الإسماعيلية

لوحة الغلاف للفنان / عوض الخولي



الهيئة العامة لقصور الثقافة
إقليم القنطرة وسيناء الثقافي
فرع ثقافة الإسماعيلية

هيئة التحرير

مدير عام الثقافة
محمود المنير

الخدمات الثقافية
جيهان دياب

مدير التحرير التنفيذي
جمال حراجي

المستشارون :

- ١- عيد الحميد البسيوني
- ٢- أحمد علي مطاوع
- ٣- د/ عيد الرحيم محمد عبد الرحيم
- ٤- د/ طاهر محمد الهادي محمد
- ٥- د/ عبد اللطيف عبد القادر علي أبو بكر

المراجعة :

إبراهيم محمود - خالد صالح علي

إهداء

إلى
أبي وأمي الأعزاء،

إلى
زوجتي الحبيبه / نادية عبد العال
إلى

بناتي / سمر وشيماء

إلى
أولادي / محمد ومحمود

إلى
كل أصدقائي وأحبائي وأخواتي
أهدى كتابي إليهم لأنهم بالفعل
أول حروف العشق في حياتي

إسماعيل مسعود،،

بجيك طفلة في اللغة

انام واحلم
يجوز يمكن
ف آخر الحلم أكون قادر
ابعتر شوقي لك فدادين
وابدر غيطي لك حنه
ما انا اصلى بحب الخير
واحب الأرض يا سلمى
بحب الضلمه واعشقها
وبعشق فيكى لون الأرض
لون الزرع تير النيل
ما انا وانتى اللي متعاهدين
نكون اصحابه
ونعزف حلمنا ع الناي
مانيش نساي وقلبي براح
بسافر جوه عب الشمس
الاقى اليوم يتوه ف الأمس
ويعافر على بدنى

ويطلع طرحه من بدري
ما بين حضنك تضميني
وتتمركز على شطك مراسيا
بحبك طفلة ف اللفة
وحابينك ف قلب ضلوعى بنيه
وحسن النيه من طبعك
بتحضنى مشاعر قلبك الدافي
وحبك دين شايهولك على كتافي
حاو فياك وحالقي فيكى انصافي
اداديكي وانا ديكي بعلو الصوت
واروي ارضك العطشانة من دمي
واشيل همك على همي
واركب مهرك المجنون
بيرمح بين فدادينك
ويسبق كل احلامي
ويرجع بيا للتوهان
ماأنا انسان من النسيان مانيش معصوم

بصلي واصوم وبادعيك
يهدي سرك المحموم
ويمحي الشك من دمك
ما انا شايفك ف قلب الحلم وردايا
وقنديك منورلي طريق الضلمة جوايا
ما انا بحلم كما كل البشر والناس
مانيش شيطان ولاخناس
ولا أعصابي كات باردة
مابين قلبي وبين قلبك
قصص مكتوبة للعشاق
كما عابد أسير الشوق
حين غنى على قبرك
كلام الحب يا وردة
أخاف اعبر على جسرک
تشاغلنى مداعباتك
تبعتر كل ماف الحلق من كلمات
واشوف الجرح ليه ساكن

ف قلب ضولعك الدايبة
احاول ادخل المجهول
واتوضاً على شطك
فترحل كل أحزاني وأحزانك
وتتفرق على سكه
مواجه ليل طويل نايمه
ف قلب ضلوعي يا سلمي
بلا أحلام

١٩٩٦/٦/٢٣م

أنا بعشقتك يا بحر

انا لما قولت يا بحر
كيف انزلك عايم
رديت عليا وقولت ما يهمكش
البنيت جنيه بحور
وعيونها مابتزمش
مستظراك ع الشط
اوعاك م الخوف تكش
ف قلب عبي وخش
فارد قلعك ع الفلايك
والضوء ماهوش مخنوق
الصوت ما هوش مبجوح
صحصح وعلي البرح
وازعق على الأصداف
أنا بسالك يا بحر
الغدر ليد طبعك
مع أن كلك خير
لكن ف وشك عند

ماتشدنيش يا بحر
ماتخلنيش اعشوقك
وتاخذني ف العالي
زغلل عينيڪ القمر
وانت اللي رقصته
ف عز برد الليالي
آه من جنانك ساعة النوة
ما أعرشي آخرة جنانك ايه
بتجيب منين .. قوه
وتلاطم الأحجار
ماتهننيش يا بحر
عمرى ما كنت بخاف
من موجك العاتي
من صغر سني وأنا
راقدا على شطك
وبوشوش الأصداف
يمكن بيان البخت

أنا بعشقتك يا بحر
وأعشق ركوب الشمس
أنا بسألك وبهمس
أوعاك تكون غدار
أنا بسألك يا بحر
ماتبوحلي بالأسرار
ماتبوح وكمل جميلك
واكتب على صفحتك
آخره جنانك إيه!!

١٨/١٠/١٩٩٨م

حلم ليلة صيف

الحلم ليلة سفر
يا غاليه والننيه
ف القلب محفوره
ملهوف أنا بيكي
والتوهة ف عنكي باننيالي بنيه
مشتاق لاحضانك
قلبي اللي كان مالك
كل اللقا فيا
بحلم تضميني حبك بيرويني
والرشفة من نهرك
تحى الهوا فيا
مشتاق وشوقي كبير
ماشي ما لاقى دليل
والمرسي تاه بيا
أنا بحلمك حوا
مديني بالقوة
خليني بيكي شديد

يا كل يوم بيفوت
قلبي ما عدا حدود
والعمر كان رجال
مش راسي يوم على حال
غير لما قلبي مال
ع المرسي جار قلبك
اتغيرت الأحوال
والشوق ناداني وقال
أفرح بلاش احزان
تلقي الحياة ألوان
غنوه فريحيه
نتيجي نسل الأيام
من فينا شوقه بير
حاترد وتقولك
حبي ده فاق الحد
شوقي ما عاد له حد
ولافيه يا غالية قلب

من بين قلوب الناس
عاشق وفيه احساس
قدي بحنيه
قدي أكون ليكي
يا حلم ليله صيف
بتمر زي الطيف
تخطف ضيا عينيه
هدى بلاش اسفار
قلبي انكوي بالنار
والوحده قاتلاني
هدى الغرام هدى
خلي الهوى يعدي
نفسى أحس بشوق
يا تبر بين شطين
نايم على كتافي
الكتف ده زواد
والكتف ده ميه

١٩٩٨/٨/٢٦م

نقوش على الجماجم

شاعر

وبعشق كلام الصدق ف عنيكي
وعدتك أنى أقول الحق
وكيف ما أقدر أو أفيكي
طلقت عنان لسان حلقى
صرخ مني وقال الآه
يا هل تري بكره
راح يمحي كله آه
دبحني الصوت وبعترنى
وطوحنى مع التيار
وبعتر جنتي أشلاء
مابين الريح وبين النار
وقف الكلام فوق سقف حلقى
واتمطع برمي السؤال
ليه كل أحزان العيال
متدفره ف ديل الحصان
لعبة الحصان ولا زيف الكلام

شاعر

وبعشق كلام الصدق ف عنيك
وعدتك أنى أقول الحق
وكيف ما أقدر أو أفيك
طلقت عنان لسان حلقى
صرخ مني وقال الآه
يا هل تري بكره
راح يمحي كله آه
دبحني الصوت وبعترنى
وطوحنى مع التيار
وبعتر جنتي أشلاء
ما بين الريح وبين النار
وقف الكلام فوق سقف حلقى
واتمطع برمي السؤال
ليه كل أحزان العيال
متدفرة ف ديل الحصان
لعبة الحصان ولا زيف الكلام

كانت بداية الحزن
نزلت ارضك يا مدينة
كانت حزينه
ف الركن ده كف
والركن ده قدم
والركن البعيد
صدر ابن آدم
مرمي بلا جته
شوفت الجماجم منكومة ع التل
اختل ميزاني
نقح الوجع مزعني من ثاني
عاد السؤال طرطقت له وداني
ثاني السؤال من جوة بكاني
يا هل ترى
عشق الكلام بالصدق ف عنكي
راح يحى احزاني
كان السؤال صعب

اما الجواب من صمتي صحتي
عشق الكلام لا يجيب ولا يودى
لان العشق خلاني
انا المقتول وانا الجاني

١٩٨٣/١/٢٥م

أول حروفه العشق

قلبك الشمس اللي فاردہ
شعرها ع الشط
ونازلہ تغسل وشها
ف صبحك النادي
ياه ... على دلح البنات
اللي ف ضباب الصبح بيعافر
لجن ما يوصل برك الثاني
شايفة الوليد قالع هدمته
ونازل ياخذ قبل منك غطس
وبنات كتير بتتسابق
وياكي سقف ورقص
وأنا اللي بعشق ضحكك
لمان تجلجل ف الخلا وترن بالخلخال
لجن تشد انتباهي
وأنا اللي متباهي بصحبك ليا
بتشدي من روعي البريق
وبتاخذي قلبي للغريق

وبترسمي لوحة ف طريقي
بتدوبي كما حته من السكر
ف الحلق من ريقى
عديتى من بين الضلوع
ورشتى ف صميمي
مريتى من قلب الصمام
وسكنتي ف وريدي
البحر نايم تحت باط الفجر
سقعان من النسمة
وأنت اللي مبيتسمه
وماسكه شالك الصوف
عايزة تغطي البحر
يمكن ف يوم يدفى
ويحن لك تانى
وأنا اللي واقف على برك التاني
مستنى كلمة بحبك
لمان تمر من حلقى

وتغازل الموجه اللي جايه
هربانه من فيضك ويتحمي بالشط
وتنام على رمله
يامين يشيل حمله
ويعبي ليل أمشير
خشيت صراية المجانين
وأخذت كام حكمه
واخذت لى لكمه
ف الوش يمكن أفوق
آه من جنان الشوق
لو خش قلب ضعيف
ويسك كام سكه
القلب يتهجى أول حروف العشق
شايفه سلامة نيتك
زي الندي جايه
بتخسنى بهدوء يا قطه بريه
بتخربش الوجدان

وتسبب علامة تعجب

وعلامة استفهام

وبتتخفي فجأة.

١٩٩٩/٤/٢٣م

شايلى حمولنا معاك

مهدهاى الى الحاج / مسعود اسماعيل

عشش على نفسك وولف
ع اللي يحلم ببيك
وأبحث على تاج الخلاص
ما تخافش من ضرب الرصاص
لو يوم أصابك ف البدن
وأحلم برنة خطوتك فوق السحاب
وماتكتفيش بالانتظار
الموت مابيفرقش
أصل أنت غاوي النقش
ع الجته بالطباشير
الصبر لك قنديل
لكن مابينورش
طيرت زغاليلك
وهدمت برج الحمام
فلت العيار منك
ومسكت يومها لجام
لحصان بليد الحس

ولا كانش له حافر
عافر ولا تهمدش
حدوه حصانك قزاز
وتقول ما تتكسرش
وتحن للي يخون
تكونش غاوي الجنون
والرقص ع الموضه
الحاله مفروضه
داخل مسام الجلد
ومعبين الصدر
بالخوف وبالتخاريف
الذل عنقود والفقير
والخرط ما يأكلش
تكونش غاوي الغش
وتجري الوحوش
داخل حدود البرية
أفتح نوابيت مستحيه

لجل أشتهاء الموت
داخل قبور من ورق
ودانات من الأكروس
الخوف على حلمك يدوس
ويخنق الحلم الرضيع
أوعاك تضيع ف المنحنى
خليك جوه التابوت
تكونش غاوي تفوت
وتهد جسم الشرقة
آه من دماغك واللي فيه
يا حلم مكسور الجناح
الليل براح لكن سجين
وملخبط الميل ف العدل
أثبت يا صاحبي وانعدل
وأحدف داناتك في المدار
الموت ما يعرفش الهزار.

١٩٩٨/٣/٢٩م

تاج الخصاص

بدعي لك من قلبي
ساعة صلاة الفجر
ما أنت اللي ربنتي
علمتني أو لغة ليا
عودتني إني أسكن ف أحضانك
الباء بحبك أنا
من كام سنه وأنت
الحكمه والتوجيه
ضلك عل بيتنا
م أنت الانيس ف السهر
وأنت الخليل ف السفر
ماسك ف ايدك مسبحه
بترنل التوحيد
شايف علامة الصلاة
ساكنه على قورتك
حافظ كتاب ربك
بتردده ف نومك

بترتله ف حلمك
خمسين سنة اشغال
ف المبري يا والدي
وتحت حكم النفس
واحنا اللي مش حاسين
ضاربينها ميت صارمه
ما عرفنا يوم ذلك
أو لهفك يا بابا
لما نكون مرضى
وأزاي بيتأذى
مكتوب ف صدرك ألم
مخنوق بكان دمعة
الشمعة مش والعه
والضلمه خنقاني
فضفض وقول يا بابا
وأحكلي عن همك
أحكي و عرفنا

ما عرفنا يوم تعبك
غير لما خلفنا وبقت لنا صحبه
من صلبنا يا با
الحمل أصله ثقيل
والولد كان تسعه
ما عرفنا يوم راحه
غير لما خليتنا نقدر نكون زيك
نشيل حمول غيرنا
وبرغم ده كله
شايل حمولنا معاك
بتودنا دايمًا وتمدنا بالحب
أنت يا أعظم أب
أنا حبي لك ساكن
ف القلب بعد الرب
ماقدرش يوم أوفى
ضافر يطير منك
أو خصلة من دقتك

ما أنت اللي علمتني
أني أكون زيك ،
معجون بطين الأرض
شارب مياه نيلها
بدعي لربي كثير
يمد لي عمرك
أنت يا أعظم أب

١٩٨٢/٤/١م

نفس الدائرة

ولأنى بعشق الضلمه
وأعشق حوارى الحى
وأعشق عيون الفجر
لما يشق السما ببريق
قاطع سواد الليل بضى
واسمع صوت البلابل
من بين عيدان القمح
ولانى مانيش سمسار
ولا ناوى أبيع ميه
ف حوارى السقاين
ز عى البروجى الصبح
ف كتابى العسكر
المتبعتره طول الطريق
ورجعت لايام بعيده
أيام المخلا والكاكى
وطابور تمام صفا وانتباه
والصول زناتى حين ماينده

ع الجند والعسكر الدم يتعكر
وأفوق من حلمي الساكن
حين مايشق الفجر الضلمه
وأسمع صوت الديك بيأدن
فجأه يرد عليه التانى
وبروده لافحه جتتي ومقرصاني
كان عم سويلم بيعدي
وبينده بالصوت العالي
حليب وأبيض يا لبن
ويرد بياع تاني
وأفوق من نومي أروح لهمومي
وألف هدومي على جته عديمه اللون
والمنظر باهت
اطلع بره الأوضه الدايره
ألقي خيوط الشمس النازله
وسط حارات زنقه ومخنوقه
بزحمة هم ولاد الحته

والمح فوق الحيطه اليافطه
مكتوبه بخطوط منكوشه
عم زيدان حلاق الحته
أخرج بره الحاره الزنقه
وأطلع منها لعالم ثاني
عالم فيه زلموكه وفولفو
وأحلم احلام غير مشروعه
ولإني ف زحمه هذا العالم
جوه الدايه ف وسط زقاق
ساكن فوق السطح ف أوضه
ومشاركاني فيران الحته
تاه الحلم ف وسط غسيل الست نواعم
لما بتطلع فوق السطح
ولا بتلمح طرف خيالي
ترقع ألقى وأجمل ضحكه
ونتيجي بلهفه تجري تمسي
قل يا باشا قشطه برقه

عود رباني مزغل عيني
وينسيني هموم الدنيا
المح فجأة وراها جارتها
طالعه تلقح ترمي غلطها
ألبس توبي وأرحل ألقى
نفسى بلف ف قلبي الدايره
والحلقات كلها مفقوده

١٩٨٥/٧/١٣ م

رسالة أجي

مهداه إلى سمر وشيماء

أفتح عيوني الصبح
على ضحكك من بنتي
ألقي ف عينيها الحب
بتوسني على خدي
بتقول يا بابا قوم
حضر لي لقمايا
علشان يروح الجوع
من جوه من بطني
أضحك معاها وأقول
حاضر يانور عيني
ياللي ف عيونك شوق
بالحب ماليني
يا بنتي يا حته من قلبي
حضانك يديني
أنسي التعب والخوف
لو تلعب لي لعبه
له تضحكي ضحكك

يا شمعہ بتتور بالحب قنديلي
لو يوم صحيت الصبح
والفاكي تعبانه
أفضل ف يومي حزين
ودموعي جوابا
والدنيا تتلون
بلون أسود قصاد عيني
وأن قولتي الآه تبكييني
تجرحني وتدبحني
وتدبح شوقي وحنيني
ولما الصحة تتحسن
وأشوف الضحكه من تاني
أطير م الفرحة وأنسي الجرح
وأجيبلك م السما حته
وأشوفك تلعبني جنبني
تصحي الفرحة جوابا
يروح الدمع من عيني

وأشوف الدنيا من ثاني
الون حليب والخوف يغيب
ولاشيء يبكييني
يام العيون سمره
والشعر لون الليل
الجسم عود أخضر
والقلب طاير طير
بدعي كتير ربي
تكبر قصاص عيني
تضحك تقول بابا
تبكي تقول بابا
دي رسالة من ربي
قدرني أقوم بيها
تكبر وتتعلم وبكره تتجوز
وتجيب لها عيل
فتحس بدموعي وعذابي وهنايا

١٩٨٦/١٠/١٤

عيون خلف الحدود

بعترت قلبي ع الطريق
لجل الصبايا تلملمه
داس اللي رايح واللي راجع
فوق نبض قلبي حطمه
صرخة عذاب خرجت
ف لحظة ضعف مني
قتلت بريق الحب لحظة مولده
نزف الصديد جوه الوريد
خدل عروق الجسم دبل وردته
الجسم نام فوق الطريق
الشمس فيه تضرب وتتقح
والرياح ف لحظة تطوحه
يا علقم الصبار جوفك مرار
أزاي مستحمله
والشوك ممدد فوق ضلوعك
لو لط جسم ييجرحه
يام العيون متبعترين خلف الحدود

الليل طويل ورياحه سيف
عمال يكسر ف القلوع
والخوف من المجهول شبح
عمال بيعصر ف الضلوع
ودياب بتهش لحمنا
وكلاب بتعودي صوتها
يرعب ف القلوب
شمس النهارده منوياش الطلوع
مادام القلب زاد نبضه
بمليون دمه محبوسه
ف حضن عيون
بتتمرجح على جيبني
قمر مخنوق قصاص عيني
يا أدين بنات الحور
وتر الحقيقه ارتخي
والزيف وتر مشدود
كاسر قلوع السفاين

صعب الطريق مسدود
يا صمت ربح المدافن
قلبي اندفن جواك
ملفوف ف حضن الكفن
رايح إلى متواك
شالوك على كتافهم
في تابوتك الخشبي
وف يوم وداعك كان
ورق الشجر حزنان
والنعي صار منشور
في صفحة من جورنان
وف صمت جوف الليل
ندب الحريم ببيان
بيدوي زي الرعد
يلعن أبو الأحزان
الموت علينا حق
مهما أن طال الزمان

وأرجع لقلبي المتبعتر وأتذكر
مين اللي داسوا بالقدم
والملم قلبي بإيديه
وألفه ف قلب منديلي
واشيله ف صدري من ثاني
بأحزانه وأحزاني
وانده بعلو الصوت
لام العيون متبعترين خلف الحدود
جواز سفرك لقلبي
كان ماهوش صادق
جواز سفري لقلبك
كان طريق مسدود
لايوصل بيا للداخل
ولا يقدر يعدي حدود

١٩٩٩٠/٣/٦م

من خير هويه

وآه منك يا حلمي
اللي ما اخترتوش
عصفور وطاير أنا
بين السما والأرض
ومعدي م الخرطوش
أحزاني كات متفرقة
على جنتي ويا دوب
توب الهموم ع القد
ياعم ياللي نويت
ع الصحبة من بدري
قدرك ما هوش قدري
هاتجيب عليا اللوم
انا كنت ببيك مهموم
اخلعني من راسك
شايف جنون الخلق
متعلقة ف برواز
من فوق جدار مشروخ

ضللت طريقي لعيونك
ويقتت من غير هويه
كما طفل يبهرول
أو بلد من قبلي
طلبه ف ميز بهوات
ميري ف جهادية
والبدلة مش كاكي
خواجات بلاد بره
لابسين يادوب شوريات
ومعريين الجلد
سايبين هرم خوفو
رايحين لسقاره
واحنا كما التماثيل
نايمين على الودنين
ومغطين روسنا باللبده واللاسه
وعروقنا دساسة حتى لسابع جد
خطي وغوص ف الطين

وأعبر حدود خوفك
ما أنا وأنت بين شطين
راكبين على فلوكة
والبحر كان عاتي
يا نعدى للصفة ونكمل المشوار
يا نكون بلا وجهه
ونموت ف قلب حصار

١٩٩٧/٥/١٣ م

الأرض مش شايله

طريق طويل
كان السبيل للانحراف
وأنا غاوي شغل العريضة
الصيف على بواب الطريق
والشرد طايح ف السما
مكسور دماغك فلقنتين
ومقصقين رشك الباقي
ومحنين كف الغلابة من دمك
الرحلة كانت ف المنتهى
والجوه شبورة ضباب
فتحت قلبي للسحاب
لجل انتظار المطر
طلع الغيام كداب
زارع بايديك ف التراب
قلب عاشق الاغتراب
من جوة عب المستحيل
يا ضلعك المكسور

ف قفصك الصدري
يا ضالك المفرد
ف الشمس من بدري
أكسر حدود صمتك
كما طلق بيدوي
داخل سكون الليل
وجري الخيل على المالح
القلب كان طارح
زيك سنابل خير
أعبر حدود سجنك
وأركب على الحنطور
علقت كام برواز
والحيطة مش شائلة
تقلك يا سي دبوب

١٩٩٩٠/٤/٢٥م

حيون مارس

يا كل سرداب ف الوطن
تايه أنا فيك
حطيت صوابي كلها
ف الشق لجل أرضيك
غريان بتهش جيتك
والسوس بينخر فيك
عديت على أرضك أنا
وشتل فيك الرز
فيه ناس بتهش حزنها
وناس تموت ف الهز
وعيون ماسكها العمى
وعيون تموت ف البص
والنص كان مكسور
دبور وزن خلاص
والعش كان مهجور
من صغر سني وأنا
بجري واتشعبط

حتى ف ديل حنطور
أطلق عناني للسما
وارمح كما الرهوان
يا مهره شايك أنا
مبهورة آه بالخييل
وبعشق طبل البلد
وأنا كنت ع الضفه
مكتوف قليل الحيل
والبخت كان مايل
ضفرت شعرك أنا
وعملت منه جدائل
وظلعت بيكي م البيعه
مجنون بعشقك أنا
يا مهره ناويه ع الخلاص
كسرتي كل القيود
ورمحتي وسط الناس
شقيتي كل الزحام

وحلمتي بالفارس
بعشق نجوم السما
وأعشق عيون مارس
بلمح ف عينك سنا
والرب كان حارس
زوقتي ليلك بالرخام
وخطفت روعي م الوهن
ورسمتي فوق جلدك
وسم الحقيقة كلها مكتوب بلون الدم
عديت عناقيد الغضب
وحلمت يوم بيكي
يا مهرة زي البساط لكن ماهوش سحري
عديتي م السرداب واتكعبل الفارس
من فوق بلاطك الرخام
يا مهرة كانت سكتك
داخل عيون مارس

١٩٩٧/٧/٢٠م

علم الفراشة

شق الندي وش النبات
لجل يغسل حزن نايم
فوق جبينك يا حبيبتي
لجل يجني قطن طارح
وارسمك على مشربية
بيتنا ف الحاره القديمة
والعب الكوره الشراب
أنت شايه م الضفاير
فوق كتافك فردتين
وبتعلبي زي النبات
آه يا حبيبتي حين ما صوتك
شق جدران السكات
كنت واقف خلف شيش
شباك بتابع ضحكك
كنت شاي ف خطوتك
بتشوق صمت سكات بلدنا
المحك زي السراب

وأبتسامتك نازله بترخف وداني
زي حبات المطر
نازله تغسل كل أحزاني بسلاسه
كنت شايك وسط زفه بترقصي
وتزغرتي زي البنات
وبتحلمي بتوب الزفاف
الخوف مكليش ع الرصيف
حط سم الخوف مزوق ف الرغيف
قلبي كان شجرة خريف
وأنت زي نسماية ربيع
قلبي داق بردك يا حلوه زمهرير
والتمن مدفوع قديم
شدني لسوء الجحيم
الضفيرة فجأه تاهت
ويا أحزان السكات
ورسمتي بالقلم الرصاص
خط أسمر ع البلوزة

راسمه أحمر ع الشفايف
وأنت العروسه المدهشه
ومنغبشه داخل ضلوعي
شايلاني فوق تجاعيد دماغك
تحت خصلات الشعور
والشعور جوايا ساير
مانتي حليتي الضفاير
والانوسه وسط عودك زهرت
كل مافيك إنتماء
بيحن للماضي القديم
للشوارع والزقاق وللعبه الأولى
ولحين ماتحكي جدتك
حدوته أمانا الغوله
تجري للحلم الفراشه
وسط غيط القطن الأخضر
والسنابل فوق عيدان القمح ياما
أما أنا لساني بحلم

إني يوم أصادد يمامه
فاكره لون الحنه ف ايدين البنات
فاكره صوت الطبل والزمر ف حاتنا
للعريس ويا العروسه
زفه المولد وفاكره زفة الليلة الكبيرة
كل دي أحلام بريئة زي أحلام البنات

١٩٩٩/٤/١م

بجلم برنة خطوتك

باشمك - وكام مشبك
وعقد كبير على صدرك
وكام خلخال
وخال ع الخد بينادي
لكام رحال
طرحت شبكي في بحورك
اسقسق جرح كان م الذنب
أفك عقد المسبحة
وأمسك ف ايدي ممسحه
أمسح هموم القلب
الرمز كان الهلال
والرعب كان م الهلاك
وأنتي ورا الشباك
بتخطفي النظرات
بتلمي دم الغزال
وبتعملي به مسك
مع أن قلبك رهيف

م الرفق ع الحيوان
وعيون مزينها الحنان
مع كحله رباني
لقلبك كنت أنا الباني
لكام أوضه وكام شباك
ومتوارب يدخل نسمة بحريه
ترد الروح وتسرق مننا الألباب
وباب مفتوح على الغارب
وقارب كنت ليه مجداف
ف قلب البحر أنا شايفك
كما قنديل بيتعايق
ومستتي عروسه بحر
أنا شايفك بقالى دهر
تعبي الطهر من خجلك
ف عز الضهر بحلمبك
ف ساعة العصر بندهلك
وأقول عدي على مهلك

ليهلك قلبي م الترحال
دخلتي بلوم جوايا وكلبشتي
داخل حدود القلب
داخل مقامات الوتر
والعزف ع الاسفلت
مع أن لحملك مر
ببشدة للتهلكه
ويحطني داخل حدود الصدر
كان الحصار ع الورق
داخل مسام الجلد
أنت اللي كنتي السوسنة
مع أن طعمك صير
بتلوني قلبي وغرفه الأربعة
وبترسمي ف الفكر
وتشخبطي ع الأورده
تغير مسار الدم
لجلن ما يدخل وريدك

يفك عقده لسانك
ويحطني ف دروب
تغريبة الصبح المندي
ساعة آدان الفجر
بأحلم برنة خطوتك
فوق السحاب بترن
ترسم شعاع للشمس
ينزل يديني
من رعشتي ف البرد
من رعشة الخوف
اللي ساكن جيتي
بحلم تكوني دنيتي
وتكوني ضوء الفجر

١٩٩٨/١١/٢٠م

بره الحصار

الشوارع والحواري دندنت
خطوة رجولي الميتة
حبلى المدينة بخطوتي
والطلق ناغز فجرها
لا الدايه عارفه تولدك
ولا عارفه أيه آخر الوجع
ويحز فيا أن خطوة الأغيبا
كان طلقها أسهل وحامي
يا مدينة قلبي فيكي شبه ميت
والعيون رافضين سلامي
كنت طفل ف لفته بيعلوه
ع الأرض يحبي
وأدي أولاد الغواني
مولودين ع الأرض تجري
كنت برمي للسما بصري الضعيف
والتحف بالقش يمكن
أدفي من برد الشوارع

كان أبويا يا دؤب بيقلع هدمته
ويستخبي ف أوضه ضلمه
لجل تمرطها العجوزة بميه عكره
كنت بحلم بالرغيف لو مره حاف
وأرجع أرمي جتتي ع البرش لكن
التحف من غير لحف
سجان وماسك لحيتي
ياصير تاهت سكتي
وده مركبي ضل الطريق
وأتكسر المجداف
قلعي على بحرك شرك
واتمزعت كل الشباك
عديت على كل المدن
ونطحت رأسي ف السحاب
سنجاب ولا بد م الخطر
خايف من الصياد
شباك ومفتوح ضلفتين

والبحر كان عاتي
شاديت ملاية جدتي وفرشتها ع المصطبه
ورميت عليها جتتي
من تعبني لجل أرتاح
شديت مفاتيح السما بعترت شال النجوم
والشمس كات مفتاح
لجل أرتحالك ف الوطن القلب سجنه براح
أشباح وكات متطوره
والصمت كان منطوق
لفيت سراديب الوطن
والحلم كان مشنوق
وحلمت يومها بالخالص لو حتى كان
ضرب الرصاص هو التمن
أو حتى حبل المشنقة
كان السبيل المحتمل
لجل انطلق بره الحصار

١٩٩٠/٢/٥م

الفهرس

٧	١. بحبك طفله ف اللفه.....
١٣	٢. أنا بعشقتك يا بحر.....
١٩	٣. حلم ليلة صيف.....
٢٥	٤. نقوش ع الجماجم.....
٣١	٥. أول حروف العشق.....
٣٧	٦. تاج الخلاص.....
٤٣	٧. شايل حمولنا معاك.....
٤٩	٨. نفس الداييره.....
٥٥	٩. رسالة أب.....
٦١	١٠. عيون خلف الحدود.....
٦٧	١١. من غير هويه.....
٧٣	١٢. الأرض مش شايله.....
٧٧	١٣. عيون مارس.....
٨٣	١٤. حلم الفراشه.....
٨٩	١٥. بحلم برنة خطوتك.....
٩٥	١٦. بره الحصار.....

٢٠٠٢ / ٧٢٥١

رقم الإيداع